



Broj: 01/2-04-2491-1/21
Breza, 07.09.2021. godine

Na osnovu člana 64. stav 1. tačka b), člana 70. st. 1, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), Pravilnika o postupku direktnog sporazuma („Službeni glasnik BiH“ br.90/14), člana 6. Pravilnika o postupku direktnog sporazuma za nabavku roba, usluga i radova u jedinstvenom organu uprave Općine Breza („Sl. glasnik Općine Breza“, broj 4/15 i 4/16) na Preporuku Službe za privredu, u postupku javne nabavke direktnog sporazuma za nabavku radova: „Dogradnja vanjskog stepeništa za potkrovlje područne škole u naselju Koritnik,“ broj: 02/1-2-11-2496-3/21 od 03.09.2021. godine) i člana 116. Statuta Općina Breza – Prečišćeni tekst („Službeni glasnik Općine Breza“ broj: 8/09), Općinski načelnik, d o n o s i

O D L U K U **o izboru najpovoljnijeg ponuđača** **DIREKTNI SPORAZUM**

Član 1.

Prihvata se ponuda broj 271/21 od 02.09.2021.godine i Ugovor za javnu nabavku radova: „Dogradnja vanjskog stepeništa za potkrovlje područne škole u naselju Koritnik,“ dodjeljuje se ponuđaču „TERMO-BETON“ d.o.o.Breza, za ponuđenu cijenu od 5.972,39KM, s popustom od 2% bez PDV-a, odnosno 6.987,70KM sa popustom i PDV-om, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču „TERMO-BETON“ d.o.o.Breza.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspekcijske poslove i opću upravu.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke pokrenut je Zahtjevom za pokretanje postupka javne nabavke broj:02/1-2-11-2496/21 i Odlukom o pokretanju postupka javne nabavke broj: 01/2-04-2491/21 od 20.08.2021. godine.

Javna nabavka je provedena putem direktnog sporazuma.

Procijenjena vrijednost javne nabavke bez PDV-a je 6.000,00 KM.

Pismeni zahtjev upućen je ponuđaču „TERMO-BETON“ d.o.o.Breza, koji je u roku dostavio ponudu broj:267/21, u kojoj ponuđač konstatuje da je spreman radove izvesti za iznos od 6.094,28KM, bez PDV-a, odnosno 7.130,30 KM sa PDV-om.

Ponuda je tehnički prihvatljiva, ali iznos u ponudi je veći od procijenjene vrijednosti.

Dana 01.09.2021.godine održani su pregovori Službe za privredu, kao predstavnika Ugovornog organa i Ponuđača „TERMO-BETON“ d.o.o.Breza. Utvrđeno je da je ponuda tehnički prihvatljiva za Ugovorni organ, ali da se mora postići ekonomski prihvatljivija cijena u vezi predmetnih radova, odnosno da ponudi određeni popust u konačnoj ponudi.

Ponuđač je ponudio popust 2% na ukupnu cijenu bez PDV-a.

Dana 03.09.2021.godine zaprimljena je ponuda broj 271/21 od 02.09.2021.godine u kojoj ponuđač konstatuje da je spreman radove izvesti za iznos od 5.972,39KM, s popustom od 2% bez PDV-a, odnosno 6.987,70 sa popustom i PDV-om.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Službe za privredu.

Naime, u postupku je ocijenjeno da je Služba za privredu u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Ugovorni organ će pozvati izabranog dobavljača radi zaključenja ugovora kojim će se regulisati međusobna prava i obaveze vezane za predmetnu nabavku u skladu sa zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Primjenom člana 64. stav 1. tačka b) Zakona o javnim nabavkama Bosne i Hercegovine, te člana 4. stav (3) Pravilnika o postupku direktnog sporazuma („Službeni glasnik BiH“ broj 90/14), odlučeno je kao u dispozitivu.

POUKA O PRAVNOM LIJEKU

Nije propisana mogućnost izjavljivanja žalbe u postupku direktnog sporazuma.

Prilog: Obavještenje

Predlagač: Služba za privredu, Salih Hasanspahić

Obrađivač: Jasmina Došlić

Dostavljeno:

OPĆINSKI NAČELNIK

1x „TERMO-BETON“ d.o.o.Breza

1x Služba za privredu

1x Služba za finansije, inspekcijske poslove
i opću upravu

1x Viši samostalni referent - administrator mreže

1x Evidencija

1x a/a.

Vedad Jusić